

# Madé, Sang Prawira Pasisi




Luh Eka Susanti

Buku puniki duén:

.....

.....

.....





Di desa para bendega ne di pasisi pasihe, ada anak cerik meadan Made ane nongos ngajak bapa, meme lan embokne. Geginan bapane dadi bendega. Made, embokne, lan memene sesai nulungin Bapane rikala teka uli mencar di tengah pasihe.

Wewidangan di samping umahne enu asri lan liu ade punyan-punyanan.  
Liu mase ade buron cara penyu, omang-omang, kedis, yuyu,  
lan mekudang jenis be pasih hidup ditu.





Made sesai melali ke pasihe ngajak embokne.  
Pepesan iya nepukin sekancan buron ane idup dipasihe. Uli mekejang  
jenis burone ento, penyu lan omang-omang ane dadi dedemenane.

A tiban suba liwat, dugas Made nedeng mejalan mulih uli masekolah, iya nepukin di paek desane ade anak ngae umah-umah baru. Tepukine mobil terek ane ngabe bahan bangunan lan liu tukang ane nedeng megae ngae wewangunan.



Tusing mekelo sagetang wewangunane ento suba peragat.  
Liu ade umah-umah, toko-toko, lan restoran ane suba ngancan rame.  
Uli sekat ento wewidangan pesisi pasihe dadi tongos rame.



Uli sekat pesisi ne ngancan rame, ada pikobet unduk wewidangane  
ane ngancan daki. Leluune anyud uli telabahe kanti ke pasihe.  
Leluune sekadi botol, plastik lan lelemek.



Dugas dina anu, I Made nugtug bapane mancing di sisin pasihe.  
Dijalane ade ane soleh tepukine. Ade buron cenik mejalan paek batune.



I Made maekin burone ento tur bengong nepukin. Jeg tepukine omang-omang  
nyaluk umah ane tawah gobane. Omang-omange ento nyaluk umah  
aji bongkol balon lampune ane mejeneng care ulir.



Ulian I Made pedalem ngajak ye, buin jang e omang-omange ento lantas buin nugtug bapane. Uli joh bapane ngaukin I Made.

Sanjane I Made lan bapane mulih uli mancing. Ajake dadua maan be liu sajan.  
I Made liang gati maan be liu dinane jani.



Tusing joh uli | Made lan bapane, ditu ngenah ade penyu.  
Penyu gede ento ngenah cara keweh mejalan ke pasihe.  
| Made lan bapane melaib maekin penyune ento.



Penyune ento care nak keweh mekiba. Uli sirah kanti batisne mekilit misi kaping plastik. Penyune ento care ngeling ulian sakit.



I Made lan bapane lantas nulungin ngelesin kaping plastik ento  
uling awak penyune. Bapane nuwes kaping plastike nganggo tiyuk ane abane.



Lantas penyune ento ngidang bebas uli kaping plastike ane ngilit awakne ento.  
Demen atine penyune ento ngidang ngelangi ke tengah pasihe.





Petengne, I Made mekumpul ajak keluargane ngajeng medaaran nasi  
nganggo be ane bakatine tunian. I Made lan bapane ngortang  
ane tepukine tunian ke memene lan embokne.

I Made mandingin kenken keadaan pesisine ipidan ngajak jani.  
Sekondene ade umah-umah ane liu ne ento, desane enu kedes lan asri.  
Nanging jani, wewidangane suba cemer ulian leluu.





I Made merasa ulian umah-umahe ento ane ngae liu leluune.  
Leluune ento ngae wewidangane cemer lan ngae buron pasihe kena baya.





I Made ngelah ide lakar ngeroyong ngedasin pesisi pasihe. Suwud ngerembug, lantas ngajak mekejang setuju lakar ngedasin pesisi pasihe.



Buin manine di pesisi pasih, liu ade anak ane nedeng memancing,  
mecande di yeh pasihe, lan melayangan. Di tongose ento mase,  
I Made lan kaluargane nedeng ngeroyong.



I Made lan kaluargane nuduk leluu lan nyelepin ke kapinge.  
Anake lenan ane nepukin milu nulungin ngedasin wewidangane.



Payu lantas wewidangan pesisi pasihe ento kedes.

Krama desane ane lenan setuju lakar sesai ngeroyong lan ngedasin leluwune.

I Made mekenyem bagia nepukin wewidangan pesisi pasihe kedes mewali.

Warnain karakter-karakter ring sor:

